

Izjava OHR-a na konferenciji za medije međunarodnih organizacija u Mostaru

Visoki predstavnik pozdravlja primopredaju linije "Krimolovci"

Jutros, je u Sarajevu državna Agencija za istraživanje i zaštitu (SIPA) preuzela upravljanje linijom "Krimolovci" od policijske misije Evropske unije (EUPM).

Visoki predstavnik je prisustvovao primopredaji koju je pozdravio kao još jedan primjer kako domaće institucije uspješno preuzimaju vlasništvo i veću odgovornost u obezbijedivanju evropske budućnosti za BiH.

Primjena vladavine zakona je neophodna ukoliko BiH želi da osigura budućnost u Euro-atlantskim strukturama. Vrijedi spomena da je SIPA, koja je odgovorna za istraživanje najozbiljnijih zločina u BiH, uspješno objedinila sve slične telefonske linije u jednu – tako obezbjeđujući jedan telefonski broj koji se može pozvati iz bilo kojeg dijela BiH, ukoliko imate informacija da li o uličnom kriminalu, organizovanom kriminalu, lokacije masovnih grobnica, ili informacije o osobama optuženim za ratne zločine. Zadatak SIPE je da koordinira borbu pšrotiv kriminala u cijeloj BiH što je čini idealnom institucijom za ovaj zadatak.

Telefonska linija "Krimolovci" je registovala preko 100.000 poziva od svog početka prije malo više od godine dana. Svi pozivi su anonimni i sa njima se postupa u najstrožoj tajnosti. Policijska misija Evropske unije će nastaviti da pradi funkcionisanje telefonske linije "Krimolovci". Ukoliko je neko od vas sszainteresovan za više informacija molim Vas da kontaktirate Urede za odnose sa javnošću SIPA-e ili EUPM-a.

Viši zamjenik će posjetiti Mostar

Viši zamjenik Visokog predstavnika, Werner Wnendt, posjetit će Mostar u četvrtak 31. ožujka/marta, i susresti se s gradonačelnikom Mostara Ljubom Bešlićem i predsjednikom Gradskoga vijeća Muratom Ćorićem.

Konferencija za novinare ambasadora Wnendta, gradonačelnika Bešlića, i predsjednika Gradskoga vijeća Ćorića bit će održana u

12:00 u četvrtak 31. ožujka/marta 2005.

u zgradi Gradske uprave, Mostar